

projektovanja. Kod projektanta mora biti stalno uposlen, s radnim vremenom od najmanje četiri sata dnevno, najmanje jedan diplomirani inženjer (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje tri godine radnog iskustva u struci ili najmanje jedan diplomirani inženjer (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje pet godina radnog iskustva u struci”.

Član 2. (Zahtjev za izdavanje i produženje ovlaštenja projektantu)

Član 27. mijenja se i glasi:

“(1) Zahtjev za izdavanje i produženje ovlaštenja projektant podnosi Ministarstvu.

(2) Uz zahtjev za izdavanje i produženje ovlaštenja projektant prilaže sljedeću dokumentaciju:

- a) aktuelni izvod iz sudskog registra ne stariji od tri mjeseca,
- b) dokaze o ispunjavanju uvjeta stručne osposobljenosti i broja stručnih osoba za obavljanje poslova projektovanja,
- c) opis realizovanih referentnih projekata pravne osobe u zadnje dvije godine, ako ih ima,
- d) radna biografija za svaku stručnu osobu sa popisom poslova u čijoj izradi je osoba sudjelovala,
- e) dokaz o vlasništvu ili ugovor o zakupu poslovnog prostora pravne osobe, odnosno drugi dokaz o posjedovanju poslovnih prostorija,
- f) potvrda nadležnog ministarstva unutrašnjih poslova koja nije starija od šest mjeseci da odgovorna osoba projektanta u posljednje tri godine nije pravosnažno osuđivana za krivično djelo čija je priroda u vezi s obavljanjem djelatnosti projektovanja.

(3) Dokazom o ispunjavanju uvjeta stručne osposobljenosti u smislu stava (2) alineja b) ovog člana smatraju se sljedeći dokumenti za svaku stručnu osobu:

- a) ovjerena kopija diplome,
- b) ovjerena kopija uvjerenja o položenom stručnom ispitu,
- c) kopija obrasca M2 ili obrasca JS3100 Prijava/Promjena/Odjava osiguranja da je navedena osoba u radnom odnosu kod projektanta,

odnosno da pravna osoba s njom ima zaključen ugovor o djelu u oblasti projektovanja,

- d) potvrda/uvjerenje o radnom stažu/iskustvu za svaku stručnu osobu izdata od sadašnjeg ili ranijeg poslodavca, koja sadržava podatke o visini stručne spreme, stručnom zvanju, vremenskom razdoblju u kojem je stručna osoba radila u određenoj radnoj sredini, zatim na kojim poslovima, te ukupan iznos radnog staža/iskustva na tom radnom mjestu.“

Član 3. (Rješenje o ispunjavanju uvjeta za projektovanje građevina)

U članu 29. u stavu (2) iza riječi: „donosi odgovarajuće rješenje o ispunjavanju uvjeta“ dodaju se riječi: „i izdaje ovlaštenje za projektovanje na plastificiranom obrascu formata A4“.

U stavu (3) iza riječi: „projektovanje građevina ili pojedinih dijelova građevine“ dodaju se riječi: „i izdaje ovlaštenje za projektovanje na plastificiranom obrascu formata A4 koji se nalazi u Prilogu 3. ove Uredbe i čini njen sastavni dio,“.

Stav (5) se briše.

Dosadašnji stav (6) postaje stav (5) koji se mijenja i glasi:

„(5) Ovlaštenje iz stava (3) ovog člana objavljuje se u „Službenom glasniku Unsko-sanskog kantona“.“

Član 4. (Rok važenja ovlaštenja i postupak izmjene, dopune i oduzimanja ovlaštenja)

U članu 30. iza stava (2) dodaje se novi stav (3) koji glasi:

„(3) Projektant je dužan u roku važenja ovlaštenja na zahtjev Ministarstva dostaviti listu osiguranih lica za obveznika izdatu od nadležne porezne uprave, radi provjere ispunjavanja uvjeta u pogledu broja uposlenih stručnih osoba kod projektanta.“

Dosadašnji stav (3) postaje stav (4) i u istom se riječi „okova“ zamjenjuju riječima „rokova“.

Član 5. (Troškovi postupka)

U članu 31. stav (2) mijenja se i glasi:

„(2) Troškovi postupka izdavanja rješenja o ispunjavanju uvjeta i ovlaštenja za projektovanje iznose 200,00 KM, a uplata se izvršava na depozitni račun Unsko-sanskog kantona broj:

3380002210005877 koji se vodi kod UniCredit Bank, vrsta prihoda 722631, budžetska organizacija 1901001.“

Iza stava (2) dodaje se novi stav (3) koji glasi:

„(3) Troškovi postupka produženja, izmjene i/ili dopune rješenja o ispunjavanju uvjeta i ovlaštenja za projektovanje iznose 100,00 KM, a uplata se izvršava na depozitni račun Unsko-sanskog kantona broj: 3380002210005877 koji se vodi kod UniCredit Bank, vrsta prihoda 722631, budžetska organizacija 1901001.“

Dosadašnji stav (3) postaje stav (4) i u istom se iza riječi „stava (2)“ dodaju riječi „i stava (3)“.

Član 6. (Revident)

U članu 35. stav (4) mijenja se i glasi:

„(4) Odgovorni revident iz stava (3) ovog člana mora biti diplomirani inženjer (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje sedam godina radnog iskustva u struci ili diplomirani inženjer (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje devet godina radnog iskustva u struci, koji se istakao u projektovanju složenih građevina ili njenih dijelova ili je na drugi način dao doprinos tehničkoj struci.“

Član 7. (Uvjeti i mjerila za davanje ovlaštenja izvođaču kao pravnoj osobi)

U članu 39. stav (5) mijenja se i glasi:

“(5) Voditelj radova iz stava (2) tačka a), stava (3) tačka a) i stava (4) tačka a) ovog člana mora biti diplomirani inženjer (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i tri godine radnog iskustva u struci ili diplomirani inženjer (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje pet godina radnog iskustva u struci ili inženjer (VI stepen) sa položenim stručnim ispitom i šest godina radnog iskustva u struci.”

Iza stava (5) dodaje se novi stav (6) koji glasi:

“(6) Voditelj radova iz stava (2) tačka a), stava (3) tačka a) i stava (4) tačka a) ovog člana kod izvođača kao pravne osobe mora biti stalno uposlen na najmanje četiri sata dnevno.”

Dosadašnji stavovi (6), (7), (8) i (9) postaju stavovi (7), (8), (9) i (10).

Član 8. (Uvjeti i mjerila za davanje ovlaštenja za izvođenje geotehničkih istraživanja i ispitivanja na terenu)

U članu 40. stav (1) tačka a) alineja 1.) i 2.) i tačka b) alineja 1.) mijenjaju se i glase:

“a) Za ispitivanja na terenu:

1.) najmanje jednog diplomiranog inženjera geotehnike ili geologije (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje tri godine radnog iskustva u struci ili najmanje jednog diplomiranog inženjera geotehnike ili geologije (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje pet godina radnog iskustva u struci,

2.) najmanje jednog diplomiranog inženjera građevinarstva (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje tri godine radnog iskustva u struci ili najmanje jednog diplomiranog inženjera građevinarstva (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje pet godina radnog iskustva u struci,

b) Za laboratorijska ispitivanja:

1.) najmanje jednog diplomiranog inženjera građevine i jednog diplomiranog inženjera geologije (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje tri godine radnog iskustva u struci iz oblasti građevine, odnosno geotehnike i geologije ili najmanje jednog diplomiranog inženjera građevine i jednog diplomiranog inženjera geologije i geotehnike (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje pet godina radnog iskustva u struci iz oblasti građevine, odnosno geotehnike i geologije.”

Član 9. (Uvjeti i mjerila za davanje ovlaštenja za obavljanje djelatnosti zaštite, konzervacije, prezentacije i rehabilitacije kulturno- historijskih spomenika)

U članu 41. stav (2) mijenja se i glasi:

“(2) Voditelj građenja ili pojedinih radova na zaštiti, konzervaciji, prezentaciji i rehabilitaciji kulturno-historijskih spomenika može biti diplomirani inženjer (VII stepen ili prvi (240 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje pet godina radnog iskustva u struci ili diplomirani inženjer (prvi (180 ECTS), drugi ili treći ciklus Bolonjskog sistema studiranja) sa položenim stručnim ispitom i najmanje sedam godina radnog iskustva u struci na poslovima zaštite, konzervacije, prezentacije i rehabilitacije kulturno-historijskih spomenika.”

Član 10.

(Zahtjev za izdavanje i produženje ovlaštenja izvođaču)

Član 42. mijenja se i glasi:

“(1) Zahtjev za izdavanje i produženje ovlaštenja izvođač podnosi Ministarstvu.

(2) Uz zahtjev za izdavanje i produženje ovlaštenja izvođač prilaže sljedeću dokumentaciju:

- a) aktuelni izvod iz sudskog registra ne stariji od tri mjeseca,
- b) dokaze o ispunjavanju uvjeta stručne osposobljenosti i broja radnika,
- c) dokaz o vlasništvu ili ugovor o zakupu poslovnog prostora pravne osobe, odnosno drugi dokaz o posjedovanju poslovnih prostorija,
- d) potvrda nadležnog ministarstva unutrašnjih poslova koja nije starija od šest mjeseci da odgovorna osoba izvođača u posljednje tri godine nije pravosnažno osuđivana za krivično djelo čija je priroda u vezi s obavljanjem djelatnosti građenja,
- e) lista osiguranih osoba za obveznika izdata od nadležne porezne uprave,
- f) potvrda nadležne porezne uprave o urednom izmirenju obaveza,
- g) popis osnovnih sredstava rada,
- h) ugovor o saradnji radi osiguranja sredstava rada.

(3) Dokazima o ispunjavanju uvjeta stručne osposobljenosti i broja radnika u smislu stava (2) tačka b) ovog člana smatraju se:

a) za sve zaposlene radnike tabelarno prikazani podaci o:

- 1) ukupnom radnom iskustvu,

2) majstorskim diplomama ili o priznatom majstorskom statusu,

3) svjedočanstvima o završnom ispitu, diplomama,

4) uvjerenjima o položenom stručnom ispitu,

5) uvjerenjima o stručnoj osposobljenosti,

6) uvjerenjima o podizvođačkim, autorskim i/ili ugovorima o djelu kada se radi o specifičnim radovima na poslovima zaštite kulturno - historijskih spomenika,

7) potvrda/uvjerenje o radnom stažu/iskustvu za voditelja radova iz člana 39. stav (2), (3) i (4) izdata od sadašnjeg ili ranijeg poslodavca, koja sadržava podatke o visini stručne spreme, stručnom zvanju, vremenskom razdoblju u kojem je voditelj radova radio u određenoj radnoj sredini, zatim na kojim poslovima, te ukupan iznos radnog staža/iskustva na tom radnom mjestu.“

Član 11.

(Rješenje o ispunjavanju uvjeta za obavljanje poslova građenja građevina)

U članu 44. u stavu (2) iza riječi: „donosi odgovarajuće rješenje o ispunjavanju uvjeta“ dodaju se riječi; „i izdaje ovlaštenje za građenje na plastificiranom obrascu formata A4“.

U stavu (3) iza riječi: „donosi rješenje o ispunjavanju uvjeta iz člana 39., 40. i 41.“ dodaju se riječi: „i izdaje ovlaštenje za građenje na plastificiranom obrascu formata A4 koji se nalazi u Prilogu 4. ove Uredbe i čini njen sastavni dio“.

Stav (5) se briše.

Dosadašnji stav (6) postaje stav (5) koji se mijenja i glasi:

„(5) Ovlaštenje iz stava (3) ovog člana objavljuje se u „Službenom glasniku Unsko-sanskog kantona“.“

Član 12.

(Rok važenja ovlaštenja i postupak izmjene, dopune i oduzimanja ovlaštenja)

U članu 45. iza stava (2) dodaje se novi stav (3) koji glasi:

„(3) Izvođač je dužan u roku važenja ovlaštenja na zahtjev Ministarstva dostaviti listu osiguranih lica za obveznika izdatu od nadležne porezne uprave, radi provjere ispunjavanja uvjeta u pogledu broja uposlenih stručnih osoba kod izvođača.“

Dosadašnji stav (3) postaje stav (4).

